



Simmun 3: July 18, 2026

★CHRISTA A KIPUMKHATNA★



“Chule sopite ho, na japi uvin thu khat in luong un, nalah uva kikhenna umlouvin, lungkhat le thil ngaito kithakhat in bulhit un ti a i Pakai u Jesu Christa min a naheng uva kathuum ahi.” (1 Corinth 1:10)

Corinth mite liemna thu ase i a, lhagao machalna anei u pachatna apieh jouvin Paul in houbung sung abuo ina pen u- kilungkhatna umlou- thudol ase i tan ahi.

Corinth mite alekhathot teni a hin kibungkhenna iti suhlhap a kipumkhatna umsa h thei ding ham ti thumop tampi Paul in asun e. Tukhang houbung dia jong phachuom tah ahi.

Houbung sung kipumkhatna mihiem kihambolna bouvin umdoh jou ponte ti vang akichieh e. Christa jal bouva kipumkhatna hung um thei ahijo'i.



Kibungkhenna sosah ho:



Kibungkhenna le kichuna



Kipumkhat theina ding ho:



Jesu a pumkhat



Chihna le pilhinna



Midang sasah le kineosah




Lamkai jabolna



KIBUNGKHENNA
SOSAH HO

KIBUNGKHENNA LE KICHUNA

"Sopite, naboncha uva nakinopto chieh uva, nasei jouse u akithakhat a, lunggel le ngaito kithakhat nahina diuva i-Pakai u Jesu Christa min jal a kangeh nahi uve." (1 Corinth 1:10)



Corinth houbung a kibungkhenna umho chu itobang hin tem (1 Cor. 1:12)?

Corinth houbung chu solchah hon avil un, ana puikhang uve. Ahin mite chun ama deisah tum thuhil ananei uve (Paul, Apollos, Peter...). Hichun amaho kikah kibungkhenna gei ahin sosah tai (1 Cor. 1:11).

Christa thupha phuong ahilam u kihetlouvin thil phachuomlou ho a ana buoi den ta uve (1 Cor. 3:5-8).



Houbung sung natna aum lo tai (1 Cor. 3:3). Kibungkhenna um jieh chun Pakai Anjon jong lungkhat in abolthei tapo uve (1 Cor. 11:33), thutan ho kom gei akiheh un, akisosal ta uve (1 Cor. 6:1).





KIPUMKHAT THEINA DING HO

JESU A PUMKHAT

"Achapa Jesu Christa, i Pakai u vang a kiloikhomna a nakoulut u Pathien chu kitah tah ahi e." (1 Corinth 1:9)


"Christa chu kihomtel hitam ? Paul la nang ho din thingpel a akikhetbeh pon, ole Paul min a baptize chang nahi uvem?" (1 Corinth 1:13). Hiche thudoh abol kuon hin Paul in lunggel aneithe diu adei ahi.

Jesu i Pakai pa'u ahi tieng le bou kipumkhatna um thei ding ahi. Tahsan chankhompi khat ngaito le geldan jui a, loitum siem a, tiho a kuon kipumkhatna suohdoh theilou ahi.

Kipumkhatna dia ima jouse kibah tina ahi dieh poi. Lunggel le natos dan kibah tei ding tina jong ahipoi.

Lunggel le mudan kibahlouna um ding mong ahi; boltheina kineiho Christa jieng bouva akingap tieng kibungkhenna hitalouva kipumkhatna joh asosah ji ahi (1 Cor. 12:12-13, 25, 27).

Houbung kipumkhatna hi mimal ding sang a Christa ding joh a ihin tieng u leh um thei ding ahi.



CHIHNA LE PILHINNA

“Sopite, Lhagao chenna miho heng a bang in keiman nangho heng a thu kasei theipon, tahsaphe mihiem, Christa sung a cheng naosen heng a sei bang a kasei ahibouve.” (1 Corinth 3:1)

Paul in Christian pilhing nailou ho chu “*Christa sung a cheng*” le “*tahsaphe mihiem*” tin akouve (1 Corinth 3:1). Hitobang ho chun Jesu sang in mite angaisah jo uve.

Lamkai lah a deisah tum aum tieng leh houbung kibungkhenna asodoh ji e. Hichu pilhin nailou jieh ahi. Hijieh chun Paul in Christa a pilhinna ilhun diuva ei tep u ahi (1 Corinth 2:6).

Pilhinglou



Chapang tobang
(1 Cor. 3:1)



Bongnoi a kivah
(1 Cor. 3:2)



Tahsaphe mihiem
(1 Cor. 3:3)



Midang thusei a
on lele ho (1 Cor.
3:4)

Pilhing



Mihiem pilhing ahi
(1 Cor. 14:20)



Anham ne ahi
(Heb. 5:14)



Lhagao mi ahi
(1 Cor. 2:13)



Lhagao mitvahna nei
ahi
(1 Cor. 2:14)

MIDANG SASAH LE KINEOSAH

"Keiho hi Christa lhacha, Pathien thuguh ching in min eingaito u hen." (1 Corinth 4:1)

Tukhang bang hin kum jabi 1 lai chun jong mite ho houthu, politics le chihgut thu a kikaltuo lah lah anahi uve. Hiti hohi houbung lutsah louva, kibungkhenna pohlut sahlou ding je ngaito ding ahi.




Houbung lamkai lungput dih keng ahi masah angai e. Pathien gouching ahi u akihet ding u ahi. Houbung neipa dan a kigellou ding u, Christa ding a vetup a pang ahibouvui.

Houbung lamkai chu Jesu ahin, adangse "*Christa lhacha*" hina a panla ahi uve (1 Cor. 4:1).


Lhacha chun apupa bol bang bang a abol ding ahi: midang hamphatna ding a kipedohsa a um ding ahi (Phil. 2:3-8).

Hiti hin houbung sung a lamkai le mipi, khat in khat din akipehdohna lungput neileu hen kipumkhatna ichan alhung ta dem!




LAMKAI JABOLNA

"Hiche a neiching ding kihol a chu tahsan um hiding ahi." (1 Corinth 4:2)



Lamkai sung a kidintena le loitum um ji jong leh abon a nungsun ding tina ahipoi. Paul thilbol chu veleu hen, Corinth a Apollos natch chu adinhu in, atosot e (1 Cor. 3:5-6; 4:6; 16:12).

Lamkai chun kitah tah a atoh tieng jabolna chang ding lom ahi (1 Cor. 4:2; 1 Tim. 5:17). Hitobang lamkai chun mihiem jabolna changlouvin jong kitah tah in atong jing e ajieh chu Pathien chu thutan ahi ahe'i (1 Cor. 4:3-4).



Spain gam a missionary masa pen Frank leh Walter Bond. Walter chun 1914 kum in atahsan ana thipi tai.

Tahsanna lamkai chun Jesu khonung achon in, mite din athuoh ngapcha e. Thupha jal a thi ding jong agiing poi (1 Cor. 4:11-13; 2 Cor. 11:23-28).

Lamkai hi hen mipi hi leh kidemtuo le kidinte ding a kikou ahipon, Jesu vahchoina lungkhat hi ding, thingpel thupha phuonjal ding a kikou ahibouvui.



“Christa thuoh hat bang a kidomthiem hin houbung kipumkhatna chamkim tah aso e. Satan in kituomona muchi atu in, Christa jal in lunggel phalou jouse chamdel in aumthei kit e.

Houbung sung mimal jouse’n Pathien chungnung ngailutna ipieh uva, mite eima kingailut bang a ingailut thei tieng u leh kihambolna umse louva jong kipumkhatna hung um doh ding, mitin Christa a pumkhat hung hi ding, thuphalou seile jong thip ta ding, aheng akompa hehse ding um talou ding ahi.

Houbung mi jouse’n lungkhat le ngailut ding tup un tin, inko khat bang a lhakhom thei ding u ahi. Chuti leh vannuoi a Pathien in Achapa ahin sol photchienna itahlah thei ding u ahi.”

EGW (Reflecting Christ July 5)